

ԿՐՕՆԱԿԱՆ-ԵԿԵՂԵՑԱԿԱՆ

ԵԿԵՂԵՑԻՈՅ ԶՕՐՈՒԹԻՒՆԸ

(Փոխադրութիւն Նաումանից)

Կրունք դժոխոց մի յաղթանարեացն զնա-
Մաաթ. ԺԶ. 48

Ինչո՞ւ մարդիկ չեն կարողանում եկեղեցուց բաժա-
նուել, թէպէտ շատ շատերը կցանկային: Հարիւր տարուց
աւելի է, որ խօսուի են նորա անցման մասին: Երբեմն
թւում էր, թէ եկեղեցական հաւատի վերջն է: Քաղաքա-
ցիական ազատամտութիւնը նոր կրթութիւն և հովեր
մտցրեց ժողովրդի մէջ. վախճու քրիստոնեաներ վերջա-
ցած համարելով ժողովրդական եկեղեցու քայքայումը,
հեռացան և խորասուզուեցան առանձնական քրիստոնէու-
թեան մէջ: Բայց նրանց երկիւղն ու կասկածը վաղաժամ
էր: Քաղաքացիական օրէնսդրութիւնը դուռ բաց արաւ
մի նոր հեթանոսութեան համար, բայց այդ նոր հեթա-
նոսութիւնը չեկաւ Այժմ այլ ևս ոչ մի խելքը գլխին
մարդ չի հաւատում, թէ ազատամտութիւնը կարող է
կործանել եկեղեցին: Գո՛ւցէ սոցիալիստները կանեն այդ:
Մի ժամանակ այնպէս էր երևում, թէ եկեղեցիները հետ-
զհետէ պէտք է ամայութեան ենթարկուեն: Փորձեր
կատարուեցան խմբեր հանելու, հրաժարեցնելու եկեղեցուց:
Բայց այդ փորձերն ապարդիւն անցան և այժմ ոչ ոք չի
մտածում նման փորձեր կատարելու ժամ. դարու վեր-
ջում եկեղեցիները աւելի լիքն են քան սկզբում (խօս-
քը Եւրոպայի մասին է): Դժոխքի դռները չկարողացան
նրան յաղթահարել:

Եկեղեցուց այս յաղթութիւնը հեշտ հասկանալի կլի-
նէր, եթէ նա այդ յարձակման և քննադատութեան շրջա-

նում ստեղծագործական մի նոր հոգւով լցուած լինէր, ոգևորուած նոր գաղափարների զօրութեամբ, յաղթական ընթացք բռնէր թշնամիների և հակառակորդների միջով։ Բայց նորա բարեկամներն իսկ այդ հաստատել չեն կարող եկեղեցին եռանդուն կերպով աշխատել է հաւատարմութեամբ ծառայել, իւր ձեռով ընկերութիւններ է կազմել, ներքին և արտաքին առաքելութիւնը զարգացրել, կապ հաստատել ժողովրդի հետ, բայց մեծ և հզօր ներշնչում, որ նոր գարուն բերէր, չէ ունեցել, եկեղեցւոյ այդ ժամանակուայ գործունէութիւնը կարելի է Սաղմոսի—Նրթալով երթային և լային, ոյք բարձեալ տանէին զսերմանիս իւրեանց.— խօսքերով բնորոշել։ Անցեալ դարու այս մաքառման շրջանումն ևս քրիստոնէութեան մէջ քիչ չէին թերութիւնները՝ անմիաբանութիւնն ու վախկոտ երևոյթնէրը։ Բայց և այնպէս նա չնուազեց. նոր հոսանքների ալիքները նորա թումբերը քանդել չկարողացան։ Ի՞նչն է այս զօրութեան պատճառը։

Այդ զօրութիւնը ոչ եկեղեցական կազմակերպութեան և ոչ պետական—եկեղեցական օրէնսդրութեան մէջն է։ Եկեղեցականների սրտում իսկ այնքան տեղ չեն բռնում այդ բաները, ևս առաւել հեռաւորների, որոնք կոչմամբ կապուած չեն եկեղեցու հետ։ Եթէ եկեղեցու մէջ սրանցից զատ մի ուրիշ մեծութիւն կենդանի մնացած չլինէր, արտօնութիւններն ու կալուածները նրան պահել չէին կարող։ Եթէ բոլոր արտաքին պաշտպանութիւններն էլ վերցուին, եկեղեցին չի կործանուի, գուցէ աւելի ևս ծաղկէ։ Եկեղեցու կենդանութեան աղբիւրը այն յաւիտենական իւղի կաթիլներն են, որով նոյն իսկ եկեղեցւոյ ամենամատթար քահանաները օծուած են։ Յիսուս այնպէս մնայուն է և յաւիտենական, որ ամենամատ պաշտօնեաներն էլ նրան կործանել չկարողացան։ Նա ապրում է, նրանով էլ ապրում են նորա բոլոր լաւ և վատ սպասաւորները։

Չկայ աւելի տարօրինակ բան, քան եկեղեցու և Յիսուսի մէջ եղած յարաբերութիւնը։ Յիսուս եկեղեցական կազմակերպութեան հակառակ էր, խիստ կերպով մաքա-

ռեց նորա գէմ՝ և այդ կաղմակերպութեան ձեռքով խա-
չուեցաւ, բայց նա մի և նոյն ժամանակ յաւիտենական
և անսասան հիմնաքար դարձաւ նոր և ամենամեծ եկե-
ղեցականութեան (Kirchenthun), աղբիւր, որով պապերը,
եպիսկոպոսները, բոլոր երկրների քահանաները իրենց
հանգերը ոռոգեցին. Եւ հնարաւոր է արդեօք քարոզել
Յիսուսի մասին առանց եկեղեցականութեան. կարելի է
հալած ոսկին տեղից տեղ փոխադրել առանց երկաթի
անօթների. եկեղեցուց բաժանուել չի կարելի միայն նորա
համար, որովհետեւ Յիսուս յաւիտենական է.